

# Ti Ibunga ti Pannakasentensia Gapu iti Nadagsen a Krimen (Impact of a Felony Conviction)

## Panagbotos

Ti maysa a tao a nasentensiaan para iti nadagsen a krimen (felony), manipud iti oras a pannakasentensiana agingga iti pinal a pannakaruk-atna, ket mabalin a saan a makabotos iti eleksion, ngem no ti tao ket adda iti probation (kondisional a wayawaya) wenno ti tao ket parolado kalpasan ti pannakaikeddengna a maibalud, dayta a tao ket mabalin nga agbotos bayat ti panawen a kaaddana iti probasion wenno bayat a parolado isuna.

## Panagkandidato

Ti asino man a tao a nasentensiaan para iti nadagsen a krimen, manipud iti oras a pannakasentensiana agingga iti pinal a pannakaruk-atna, ket mabalin a saan a makapagkandidato, agraman iti panawen ti probasion wenno kas parolado.

## Pannakaibabawi ti Panagpaay iti Opisina Publika

Ania man nga opisina publika nga iggem bayat ti oras a pannakakombiktar (pannakapaneknek a nagbasol) ket maibabawi iti mismo nga aldaw a pannakakombiktar, no ti pannakakombiktar ket napasamak iti daytoy nga Estado. No ti pannakakombiktar ket napasamak iti sabali nga estado wenno iti korte pederal, ti opisina publika ket maibabawi manipud iti petsa a ti sertipikasion ti kombiksion manipud iti nagusig a korte ket maidatag iti opisina ti teniente gobernador a mangawat ken mangaywan iti daytoy a kas dokumento publiko. Ti pannakaapelar wenno ania man nga addang a pangibabawi iti kombiksion ket saanna nga apektaran ti pannakaipakat daytoy a probision.

## Panagpaay iti Opisina Publika wenno Trabaho iti Masakbayan

Ania man a maikontra iti daytoy a pagannurotan, saan a mabalusingsing ti kinapudno a ti asino man a tao a napaneknekan wenno nakombiktaran iti ania man a tignay, panggep, wenno pannakikomplot a

mangrippuog iti gobierno ti estado wenno pederal babaen ti puersa wenno biolensia ket saan a mapalubosan nga agiggem iti ania man nga opisina wenno trabaho iti gobierno.

Para iti kompleto nga impormasion, basaen ti Konstitusion ti Estado ti Hawaii, Artikulo II, Seksion 2, ken ti Dagiti Narebisar a Paglintegan ti Hawaii (HRS) §831-2.

Daytoy a PAGBASAAN (FACTSHEET) ket nairanta laeng a mangipaay iti impormasion a saan ket nga usaren a kas autoridad maipanggep iti paglintegan iti eleksion iti Hawaii. Dagiti rekititos ken/wenno deadlines ket mabalin a mabaliwan. Konsultaren ti Dagiti Narebisar a Paglintegan ti Hawaii (Hawaii Revised Statutes) ken dadduma pay a paggapuan ti impormasion para iti nayon a detaliado a kasapulan.

---

Office of Elections  
802 Lehua Avenue  
Pearl City, Hawaii 96782  
Phone: (808) 453-VOTE (8683)  
Neighbor Island Toll Free: 1-800-442-VOTE (8683)  
TTY: (808) 453-6150

---